

七十二家集

謝康樂集卷之五

宋陳郡謝靈運客兒著

明閩漳張燮紹和纂

詩

初去郡

彭薛裁知耻貢公未遺榮或可優貪競豈足稱
達生伊余秉徵尚拙訥謝浮名廬園當棲巖卑
位代躬耕願已雖自許心迹猶未并無庸方選作
効周任有疾像長卿畢娶類尚子薄遊似邴生

恭承古人意促

五臣作似

裴返柴荆牽絲及元興解

龜在景平負心二十載於今廢將迎理棹遙還

期遵渚驚脩垵遡溪終水涉登嶺始出行野曠

沙岸淨天高秋月明憇石挹飛泉攀林蹇落英

戰勝臞者肥鑒止流歸停卽是羲唐化獲我擊

壤情

一作聲

田南樹園激流植援

樵隱俱在山由來事不同不同非一事養痾亦

園中中國

一作園中

屏氛雜清曠昭遠風卜室倚北

早啓扉面南江激澗代汲井挿槿當列壠羣木

旣羅戶衆山亦當

善作對

窓靡迤趨下田

五臣作岫

迢

遞瞰高峯寡欲不期勞卽事罕人工唯開蔣生
徑永懷求羊蹤賞心不可忘妙善翼能同

石壁精舍還湖中作

昏旦變氣候山水含清暉清暉能娛人游子澹
忘歸出谷日尚早入舟陽已微林壑歛暝色雲
霞收夕霏芰荷迭映蔚蒲稗相因依披拂趨南
逕愉悅偃東扉慮澹物自輕意愜理無違寄言

攝生客試用此道推

登石門最高頂

晨策尋絕壁夕息在山棲疏峯抗高館對嶺臨
迴溪長林羅戶穴

一作庭

積石擁階基連巖覺路

塞密竹使徑迷來人忘新術去子惑故蹊活活
夕流駛噉噉夜猿啼沈冥豈別理守道自不攜
心契九秋榦目翫三春蕙居常以待終處順故
安排惜無同懷客共登青雲梯

石門新營所任四面高山迴溪石瀨茂林

脩竹

躋險築幽居披雲卧石門苔滑誰能步葛弱豈
可捫嫋嫋秋風過萋萋春草繁笑人遊不還佳
期何由敦芳塵凝瑤席清醕蒲金尊洞庭空波
瀾桂枝徒攀翻結念屬霄漢孤景莫與諼俯濯
石下潭仰看條上猿早聞夕飈急晚見朝日暎
崖傾光難留林深響易奔感徃慮有復理來情
無存庶持乘日車

選作
日用

得以慰營魂匪爲衆人

說箕與智者論

於南山往北山經湖中瞻眺

朝旦發陽崖景落憇陰岑舍舟眺廻渚停策倚
茂松側逕旣窈窕環洲亦玲瓏俛視喬木杪仰
聆大壑淙石橫水分流林密蹊絕蹤解作竟何
感升長皆丰容初篁苞綠蔭新蒲含紫茸海鷗
戲春岸天鷄弄和風撫化心無厭覽物眷彌重
不惜去人遠但恨莫與同孤遊非情歎賞廢理
誰通

從斤竹澗越嶺溪行

猿鳴誠知曙谷幽光未顯巖下雲方合花上露
猶泫透迤傍隈隩迢遞陟陁峴過澗旣厲急登
棧亦陵緬川渚屢徑復乘流翫廻轉蘋萍泛沈
深蕪蒲冒清淺企石挹飛泉攀林摘葉卷想見
山阿人薜蘿若在眼握蘭勤徒結折麻心莫展
情用賞爲美事昧竟誰辨觀此遺物慮一悟得
所遺

過白岸亭

拂衣遶沙垣緩步入蓬屋近澗涓密石遠山映

疎木空翠難強名漁釣易爲曲援蘿聆青崖春
心自相屬交交止栩黃吻吻食苹鹿傷彼人百
哀嘉爾承筐樂榮悴迭去來窮通成休憾未若
長疎散萬事恒抱朴

夜宿石門

朝攀苑中蘭畏彼霜下歇暝還雲際宿弄此石
上月鳥鳴識夜棲木落知風發異音同至聽殊
響俱清越妙物莫爲賞芳醕誰與伐笑人竟不
來陽阿徒睎髮

南樓中望所遲客

杳杳日西頽漫漫長路迫登樓爲誰思臨江遲
來客與我別所期期在三五夕圓景早已滿隹
人殊五臣作猶未適卽事怨睽攜感物方悽感孟夏
非長夜晦明如歲隔瑤華未堪折蘭若已屢摘
路阻莫贈問云何慰離析搔首訪行人引領冀
良覲

廬陵王墓下作

曉川發雲陽落日次朱方含悽泛廣川灑淚眺

連岡畚言懷君子沈痛切中腸道消結憤懣遲
開申悲涼神期恒若存德音初不忘徂謝易永
久松柏森已行延州協心許楚老惜蘭芳解劍
竟何及撫墳徒自傷平生疑若人通蔽互相妨
理感心情慟定非識所將脆促良可哀天枉特
兼常一隨往化滅安用空名揚舉聲泣已瀝長
歎不成章

還舊園作見顏范二申書

辭滿豈多秩謝病不待年偶與張邴合久欲還

東山聖靈昔廻眷微尚不及宣何意衝飈激烈
火縱炎煙焚玉發崑峯餘燎遂見遷投沙理旣
迫如叩願亦愆長與歡愛別永絕平生緣浮舟
千仞壑總轡萬尋巔流沫不足險石林豈爲艱
閭中安可處日夜念歸旋事躋兩如直心愜三
避賢託身青雲上棲巖挹飛泉盛明盪氛昏貞
休康屯遭殊方感成貸微物豫采甄感深操不
固質弱易扳纏曾是反昔園語往實欵然叢基
卽先築故池不更穿果木有舊行壤石無遠延

雖非休憩地聊取永日閒衛生自有經息陰謝
所牽夫子照清素探懷授徃篇

顏延之和謝監靈運附

弱植慕端操窘步懼先迷寡立非擇方刻意
藉窮棲伊昔邁多幸秉筆侍兩闕雖慙丹腹
施未謂玄素睽徒遭良時被王道奄昏霾人
神幽明絕朋好雲雨乖弔屈汀洲浦謁帝蒼
山蹊倚巖聽緒風攀林結留蒐跂予間衡嶠
曷月瞻秦稽皇聖昭天德豐澤振沈泥惜無

雀雉化何用充海淮去國還故里幽門樹蓬
藜采芡葺昔宇翦棘開舊陸物謝時旣晏年
往志不偕親仁敦情昵興玩究辭悽芬馥歎
蘭若清越奪琳琅盡言非報章聊用布所懷

酬從弟惠連

五章

寢瘳謝人徒滅迹入雲峯巖壑寓耳目歡愛隔
音容永絕賞心望長懷莫與同末路值令弟開
顏披心胸

心胸旣云披意得咸在斯凌澗尋我室散帙問

所知夕慮曉月流朝忌曛日馳悟對無厭歇聚
散成分離

分離別西川迴景歸東山別時悲已甚別後情
更延傾想遲嘉音果枉濟江篇辛勤風波事歟
曲洲渚言

洲渚旣淹時風波子行遲務協華京想詎存空
谷期猶復惠來章祇足攬余思儻若果歸言共
陶暮春時

暮春雖未交仲春善遊遨山桃發紅萼野蕨漸

紫苞嚶鳴已悅豫幽居猶鬱陶夢寐佇歸舟釋
我吝與勞

惠連西陵遇風獻康樂五章附

我行指孟春春仲尚未發趣途遠有期念離
情無歇成裝候良辰漾舟陶嘉月瞻途意少
悵還顧情多闕

哲兄感化別相送越垌林飲餞野亭館分袂
澄湖陰悽悽留子言眷眷浮客心廻塘隱艫
棹遠望絕形音

靡靡卽長路戚戚抱遙悲遙但自弭路長
常語誰行行道轉遠去去情彌遲昨發浦陽
汭今宿浙江湄

屯雲蔽曾嶺驚風湧飛流零雨潤墳澤落雪
灑林丘浮氛晦崖巘積素惑原疇曲汜薄停
旅通川絕行舟

歸津不得濟佇楫阻風波蕭條洲渚際氣色
少諧和西瞻興游歎東睇起悽歌積憤成疾
瘵無萱將如何

登臨海嶠初發疆中作與從弟惠連可見

羊何其和之

四章

杪秋臨遠山山遠行不近與子別山阿含酸赴
脩畛中流袂就判欲去情不忍顧望脰未悵汀
曲舟已隱

隱汀絕望舟驚棹逐

一作
逾

驚流欲抑一生歡弁

弁千里遊日落當棲薄繫纜臨江樓豈惟夕情
歛憶爾共淹留

淹留昔時歡復增今日歎茲情已分慮况乃悵

悲端秋泉鳴北澗哀猿響南巒戚戚新別心悽悽久念攢

攢念攻別心旦發清溪陰瞑投剡中宿明登天姥岑高高入雲霓還期那可尋倘遇浮丘公長絕子徽音

初發石首城

白圭尙可磨斯言易爲緇雖抱中孚爻循勞貝錦詩寸心若不亮微命察如絲日月垂光景成貸遂兼茲出宿薄京畿晨裝搏曾颺重經平生

別再與朋知辭故山日已遠風波豈還時迢迢
萬里帆茫茫終何之遊當羅浮行息必廬霍期
越海陵三山遊湘歷九嶷欽聖若旦暮懷賢亦
懷其皎皎明發心不爲歲寒欺

入東道路詩

整駕辭金門命旅惟詰朝懷居顧歸雲指塗沂
行鱗屬值清明節榮華感和韶陵隰繁綠杞墟
固粲紅桃嘒嘒羣方離纖纖麥垂苗隱軫邑里
窳緬邈江海遼滿目皆古事心賞貴所高曾連

謝千金延州權去朝行路旣經見願言寄吟謠

道路憶山中

采菱調易急江南歌不緩楚人心昔絕越客腸
今斷斷絕雖殊念俱爲歸慮歟存鄉爾思積憶
山我憤懣遘尋棲息時偃卧任縱誕得性非外
求自己爲誰纂不怨秋夕長常一作恒苦夏日短

濯流激浮湍息陰倚密竿懷故叵新歡含悲忘
春暖悽悽明月吹惻惻廣陵散殷勤訴危柱慄
慨命促管

入彭蠡湖口

客遊倦水宿風潮難具論
洲島驟迴合圻岸屢崩奔
乘月聽哀狔浥露馥芳蓀
春蒲綠野秀巖高白雲屯
千念集日夜萬感盈朝昏
攀崖照石鏡牽葉入松門
三江事多往九派理空存
靈物吝珍怪異人秘精魂
金膏滅明光水碧綴五臣作輟
流溫徒作千里曲絃絕念彌敦

入華子岡是麻源第三谷

南州實炎德桂樹陵寒山
銅陵映碧澗石磴瀉

紅泉旣狂隱淪客亦棲肥遁賢險徑無測度天
路非術阡遂登羣峰首邈若升藝文類聚作騰雲煙羽
人絕髣髴丹丘徒空筌圖牒復磨滅碑版誰聞
傳莫辨百代後安知千載前且申獨任意乘月
弄潺湲恒充俄頃用豈爲古今然

發歸瀨三瀑布望兩溪

我行乘日垂放舟候月圓沫江免風濤涉清弄
漪漣積石竦兩溪飛泉倒三山亦旣窮登陟荒
藹橫目前窺巖不覩景披林豈見天陽鳥尙傾

翰幽篁未爲遘退尋平常時安知巢穴難風雨
非攸恡擁志誰與宣倘有同校條此日卽千年
初往新安桐廬口

締綌雖淒其授衣尙未至感節良已深懷古亦

云一作徒役思不有千里棹孰申百代意遠協尙子

心遙得許生計旣及冷風善又卽秋水駛江山

共開一作開曠雲日相照媚景夕羣物清對玩咸

可意

擬魏太子鄴中集詩八首

并序

魏太子

建安末余時在鄴宮朝遊夕讌究歡愉之極
天下良辰美景賞心樂事四者難并今昆弟
友朋二三諸彥共盡之矣古來此娛書籍未
見何者楚襄王時有宋玉唐景梁孝王時有
鄒枚嚴馬遊者美矣而其主不文漢武帝徐
樂諸才備應對之能而雄猜多忌豈獲晤言
之適不誣方將庶必賢於今日爾歲月如流
零落將盡撰文懷人感往增愴其辭曰

百川赴巨海衆星環北辰照灼爛霄漢遙齊起
長津天地中橫潰家王五臣拯生民區宇旣蕩
滌羣英必來臻忝此欽賢性絲來常懷仁况值
衆君子傾心隆日新論物靡浮說折理實敷陳
羅縷豈闕辭窈窕究天人澄觴滿金罍連榻設
華茵急絃動飛聽清歌拂梁塵莫善作何言相遇
易此歡信可珍

王粲

家本秦川貴公子孫遭亂流寓自傷情多

幽厲昔崩亂桓靈今板蕩伊洛旣燎煙函峒沒

無像

五臣作象

整裝辭秦川秣馬赴楚壤沮漳自可

美客心非外獎常歎詩人言式微何繇往上宰

奉皇靈侯伯咸宗長雲騎亂漢南宛

善作紀

郢昔

掃盞排霧屬盛明披雲對清朗慶泰欲重疊公

子特先賞不謂息肩願一旦值明兩並載遊鄴

京方舟汎河廣綢繆清讌娛寂寥梁棟響旣作

長夜飲豈顧乘日餐

陳琳

袁本初書記之士故述喪亂事多

皇漢逢迫邇天下遭昏慝董氏淪關西袁家擁

河非單民

五臣作人

易周章窘身就羈勒豈意事乖

已永懷戀故國相公實勤王信能定螫賊復覩

東都輝重見漢朝則餘生幸已多矧廼值明德

愛客不告疲飲讌遺景刻夜聽極星爛

五臣作闌

朝

遊窮隳黑哀哇動梁埃急觸盪幽默且盡一日

娛莫知古來惑

徐幹

少無宦情有箕穎之心事故仕世多素辭

伊昔家臨淄提攜弄齊瑟置酒飲膠東淹留憇
高密此歡謂可終外物始難畢搖蕩箕濮情窮
年迫憂慄末塗幸休明棲集建薄壁已免負薪
苦仍遊椒蘭室清論事究萬美話信非一行觴
奏悲歌永夜繫

五臣作繼

白日華屋非蓬居時髦豈

余匹中飲顧昔心悵焉若有失

劉楨

卓犖偏人而文最
有氣所得頗經奇

貧居晏里閑少小長東平河充當衝要淪飄薄
許京廣川無逆流招納厠羣英非渡黎陽津南
登宛善作紀郢城旣覽古今事頗識治亂情歡友
相解達敷奏究平生矧荷明哲顧知深覺命輕
朝遊牛羊下暮坐括搢鳴終歲非一日傳厄弄
清聲辰事旣難諧歡願如今并唯美肅肅翰纘
紛戾高冥

應瑒

汝穎之士流離故頗有飄薄之歎

噉噉雲中鴈舉翮自委羽求涼弱水湄違塞長
沙渚顧我梁

五臣作涼

川時緩步集潁許一旦逢世

難淪薄恒羈旅天下昔未定託身早得所官渡
厠一卒烏林預艱阻晚節值衆賢會同庇天宇
列坐廕華棖金樽盈清醑始奏延露曲繼以闌
夕語調笑輒酬答嘲謔無慙沮傾軀無遺慮在
心良已叙

阮瑀

管書記之任故有優渥之言

河洲多沙塵風悲黃雲起金羈相馳逐聯翩何
窮已慶雲惠優渥微薄攀多士念昔渤海時南
皮戲清汎今復河曲遊鳴葭汎蘭汜躡步陵丹
梯並坐侍君子妍談旣愉心哀音一作弄信睦耳
傾醕係芳醕酌言豈終始自從食萍來唯見今
日美

平原侯楨

公子不及世事但美遨遊然頗有憂生之嗟
朝遊登鳳閣日暮集華沼傾柯引弱枝攀條摘

蕙草徒倚窮騁望目極盡所討西顧太行山北
眺邯鄲道平衢脩且直白楊信裊裊副君命飲
宴歡娛寫懷抱良遊匪晝夜豈云晚與早衆賓
悉精妙清辭灑蘭藻五臣作
蘭蒲哀音下迴鵲餘哇
徹清昊中山不知醉飲德方覺飽願以黃髮期
養生念將老

石壁立招提精舍

四城有頓蹟三世無極已浮歡眯眼前沈照貫
終始壯齡緩前期頽年追暮齒揮霍夢幻頃飄

忽風電起良緣迨未謝時逝不可俟敬擬靈鷲
山尙想祇洹軌絕溜飛庭前高林映窓裏禪室
樓空觀講宇析妙理

過瞿溪山僧

迎旭凌絕磴映沚歸淑浦鑽隧斷山水掩岸壅
石戶結架非丹甍藉田資宿莽同遊息心客曖
然若可覩清霄颺浮煙空林響法鼓忘懷狎鷗
陂攝生馴兕虎望嶺眷靈鷲延心念淨土若乘
四等觀永拔三界苦

七夕詠牛女

火逝首秋節新明弦月夕月弦光照戶秋首風
入隙凌峰步曾崖憑雲肆遙脈徙倚西北庭竦
踊東南靚紈綺無報章河漢有駿輓

彭城宮中直感歲暮

草草春徂物契契矜歲殫楚艷起行戚吳趨絕
歸懼脩帶緩舊裳素鬢改朱顏晚暮悲獨坐鳴
題歇春蘭

歲暮

殷憂不能寐苦此夜難顏明月照積雪朔風勁
初學作清且哀運往無淹物年逝覺已藝文作易催

作離合

古人怨信次十日眇未央加我懷繾綣口脉情
亦傷劇哉歸遊客處子勿相忘別字

登廬山絕頂望諸嶠

積峽忽復啓平塗俄已閉巒隴有合沓往來無
蹤轍晝夜蔽日月冬夏共霜雪

夜發石關亭

隨山踰千里浮溪將十夕鳥歸息舟楫星闌命
行役亭亭曉月映冷冷朝露滴

答惠連

懷人行千里我勞盈十旬別時花灼灼別後葉
蓁蓁

初發入南城

弄波不輟手玩景豈停目雖未登雲峰且以歡
水宿

東陽溪中贈答二首

可憐誰家婦緣流洒

一作洗

素足明月在雲間迢

迢不可得

可憐誰家郎緣流乘素舸但問情若爲月就雲

中墮

又按括蒼志曰謝靈運入沐鶴鄉有二女浣紗嘲以詩曰我是謝康樂一箭射雙鶴

試問浣紗娘箭從何處落二女不顧又嘲之曰浣紗誰氏女香汗濕新雨對人默無言何事甘辛苦旣而二女答曰我是溪中鯽暫出溪頭食食罷又還潭雲蹤何處覓忽不見按此事頗與東陽贈答相類而詩似不出靈運筆恐屬附會聊載于此

送雷次宗

符守瑞邊楚感念悽城壕志苦離思結情傷日

月潛

大林峯

積峽忽有起平途
俄已絕巒龍有合
沓往來無蹤轍

枹溪詩

澹瀨結寒波
檀欒秀霜質
洞合水屢迷
林迴巖愈密

泉山詩

清旦索幽異方舟越堦郊石室穿林甌飛泉發
樹梢

自叙

韓亡子房奮秦帝魯連耻本自江海人忠義感
君子

臨終詩

龔勝無餘生季業有終盡稽公理旣迫霍生命

亦殞悽悽後

一作凌

霜栢納納衝風
茵邂逅竟無

時

一作幾

何脩短非所愍
恨我君子志不
得嚴下泯

送心正覺前斯
痛久已忍唯願
乘來生怨親同

心朕

謝康樂集卷之六

宋陳郡謝靈運客兒著

明閩漳張 燮紹和纂

表

勸伐河北表

自中原喪亂百有餘年流離寇戎湮沒殊類先
帝聰明神武哀濟羣生將欲盪定趙魏大同文
軌使乂凋反於正化偏俗歸於華風運謝事乖
聖違願絕仰德抱悲恨存生盡况陵塋未幾凶

虜伺隙預在有識誰不憤歎而景平執事竝非其才且遭紛京師豈慮託付遂使孤城窮陷莫肯極忠烈囚朔漠絛河三千翻爲寇有晚遣鎮戍皆先朝之所開拓一旦淪亡此國耻宜雪被於近事者也又北境自桀逆虜窮苦備懼徵調賦歛靡有止已所求不獲輒致誅殞身禍家破闔門比屋此亦仁者所爲傷心者也咸云西虜舍未遠師隴外東虜乘虛呼可掩襲西軍旣反得據關中長圍咸陽還路已絕雖遣救援停住

河東遂乃遠討大城欲爲首尾而西寇深山重
阻根本自固徒巢巢窟未足相拯師老於外國
虛於內時來之會莫復過此觀兵耀威實在茲
日若相持未已或生事變忽值新起之衆則異
於今苟乖其時難爲經略雖兵食倍多則萬全
無必矣又歷觀前代類以兼弱爲本古今聖德
未之或殊豈不以天時人事理數相得興亡之
度定期居然故古人云旣見天殃又見人災乃
可以謀昔魏氏之強平定荆冀乃乘袁劉之弱

晉世之盛拓開吳蜀亦因蔣陸之衰此皆前世
成事著於史策者也自羗平之後天下亦謂虜
當俱滅長驅滑臺席卷下城奪氣喪魄指日就
盡但長安違律潼關失守用緩天誅假延歲月
日來至今十有二載是謂一紀曩有前言况五
胡代數齊世虜期餘命盡於來年自相攻伐兩
取其困下莊之形驗之今役仰望聖澤有若渴
饑注心南雲爲日已久來蘇之冀實歸聖明此
而弗乘後則永兆卽日府藏誠無兼儲然凡造

大事待國富兵強不必乘會於我爲易責在得
時器械旣充衆力粗足方於前後乃當有優常
議損益久證冀州口數百萬有餘田賦之沃著
自貢典先才經創基趾猶存澄流引源桑麻蔽
野強富之實昭然可知爲國長久之計孰若一
往之費邪或懲關西之敗而謂河北難守二境
形勢表裏不同關西雜居種類不一昔在前漢
屯軍霸上通火甘泉况乃遠戍之軍值新故交
代之際者乎河北悉是舊戶差無雜人連嶺判

阻三關作隘若遊騎長驅則沙漠風靡若嚴兵
守塞則冀方山固昔隴西傷破龜錯興言匈奴
慢侮賈誼憤歎方於今日皆爲除矣晉武中主
耳值孫皓虐亂天祚其德亦由鉅平奉策荀賈
折謀故能業崇當年區宇一統況今陛下聰明
聖哲天下歸仁文德與武功並震霜威共素風
俱舉協以宰輔賢明諸王美令岳牧宜烈虎臣
盈朝而天或遠命亦同敵不滅矧伊頑虜假日
而已哉伏惟深機志務久定神謨臣卑賤側陋

竄景巖穴實仰希太平之道傾觀岱宗之封雖
乏相如之筆庶免史談之憤以以此謝病京師
萬無恨矣久欲上陳懼在觸置蒙賜恩假暫違
禁省消渴十年常慮朝露抱此愚志昧死以聞

謝封康樂侯表

昔強氏暴虐恃僭歷紀旣噬五都志吞六合遂
陷沒西河傾覆南漢凌藉紀郢跨越淮泗千時
策畫惟疑地險已謝咸懇君臣同泯有生無餘
亡祖奉國威靈董符戎重盡心所事尅黜禍亂
功參盤鼎胙土南服逮至臣身值遭泰路日月
收暉榮落代運輸稅唐化生幸無已不悟天道
下濟鴻均曲成廼眷遐績式是興徵分虎紐龜
復顯茅土鳴玉拖紱班景元勛澤洽往德恩覃

來胤永惟先蹤遠感崩結豈臣庭弱所當忝承
臣聞至公無私甄善則一皇恩遠被殘代可侔
是以信陵之賢簡在高祖之心望諸之道復獲
隆漢之封觀史歎古欽茲盛美豈謂榮渥近霑
微躬傾宗殞元心識其會酌恩答厚罔知所由

詣闕上表

臣自抱疾歸山于今三載居非郊郭事乖人間
幽棲窮巖外緣兩絕守分養命庶畢餘年忽以
去月二十八日得會稽太守臣顗二十七日疏
云比日異論噂噍此雖相了百姓不許寂默今
微爲其防披䟽駭惋不解所由便星言奔馳歸
骨陛下及經山陰防衛彰赫彭排馬槍斷截衢
巷偵邏縱橫戈甲竟道不知微臣罪爲何事及
見覬雖曰見亮而裝防如此唯有罔懼臣昔忝

近侍豫蒙天恩若其罪迹炳明文宇有證非但
顯戮司敗以正國典會天之下自無容身之地
今虛聲爲罪何酷如之夫自古讒謗聖賢不免
然致謗之來要有曲趣或輕死重氣結黨聚羣
或勇冠鄉邦劒客馳逐未聞俎豆之學欲爲逆
節之罪山棲之士而構陵上之釁今影迹無端
假謗空設終古之酷未之或有匪忝其生實悲
其痛誠復內省不疚而抱理莫申是以牽曳疾
病束骸歸歟仰憑陛下天鑒曲臨則死之日猶

生之年也臣憂怖彌日羸疾發動尸存恍惚不
知所陳

牋

與廬陵三牋

會境旣豐山水是以江左嘉遁並多居之但季
世慕榮幽棲者寡或復才爲時求弗獲從志至
若王弘之拂衣歸耕踰歷三紀孔淳之隱約窮
岫自始迄今阮萬齡辭事就閒纂成先業浙河
之外棲遲山澤如斯而已旣遠同羲唐亦激貪
厲競殿下愛素好古常若布衣每意昔聞虛想
巖穴若遣一介有以相存真可謂千載盛美也

書

答范光祿書

辱告慰企晚寒體中勝常靈運脚諸疾比春更甚憂慮故人有情信如來告企詠之結實成饑渴山澗幽阻音塵濶絕忽見諸讚歎慰良多可謂俗外之詠尋覽三復味翫增懷輒奉和如別雖辭不足覩然意寄盡此從弟惠連後進文悟衰宗之美亦有一首并以遠呈

又

承祗洹法業日茂隨喜何極六梁微緣竊望不
絕卽時經始招提在所住山南南檐臨澗北戶
背巖以此息心當無所忝邪平生緬然臨紙累
歎敬惜爲先繼以音告儻值行李輒復承問二
月一日謝靈運白答

范泰與謝康樂書二首附

泰慕年事佛其精於宅西立泚洹精舍
又爲佛讚以書示靈運靈運答書鼎和
其讚

卿常何如歷觀高士類多有情吾亦許卿以

同何緬邈之通便是未孤了幽關也吾猶存
舊情東望慨然便是有不馳處也見熾公阡
陌如卿間棲僧於山誠是美事屢改驟遷未
爲快也杖策之郡斯則善也祇洹中轉有奇
趣福業深緣森兮滿目見形者所不能傳聞
言而悟亦難其人辭煩而已於此絕筆范泰
敬謂

祇洹塔內讚因熾公相示可少留意省之并
同子與人歌而善

答王衛軍問辨宗論書

靈運白一悟理質以經誥可謂俗文之談然書
不盡意亦前世格言幽僻無事聊與同行道人
共求其衷猥辱高難詞徵理析莫不精究尋覽
彌日欣若暫對輒復更俾前論雖不辨酬釋來
問且以示懷耳海嶠阻迴披示無期臨白增懷
眷歎良深謝靈運再拜

王弘與謝永嘉問辨宗論書附

弘白一悟之談常謂有心但未有以析中異

言集卷之七
同之辨故難於厝言耳尋覽來論所釋良多
然猶有未好解處試條如上爲呼可容此疑
不旣欲使彼我意盡覽者冷然後對無兆兼
當造滕執筆增懷真不可言王弘敬謂

王弘重答謝朓嘉書附

更尋前答起悟亦不知所以爲異正當爾耳
已送示生公此間道人故有小小不同小涼
當共而盡脫有厝言更白面寫未由寄之於
此所散猶多

竺道生答王衛軍商辨宗論書附

究尋謝永嘉論都無間然有同似若妙善不能不以爲欣檀越難旨甚要切想尋必佳通耳且聊試略取論意以伸欣悅之懷以爲苟若不知焉能有信然則由教而信非不知也但資彼之知理在我表資彼可以至我庸得無功於日進未是我知何由有分於入照豈不以見理於外非復全昧知不自中未爲能

照耶

與弟書

聞惡溪道中九十九里有五十九灘王右軍游
此惡道歎其奇絕遂書突星瀨於石

答弟書

前月十二日至永嘉郡蠓不如鄞縣車螯亦不
如北海

答綱琳二法師書

披覽雙難欣若暫對藻豐論博蔚然滿目可謂
勝人之口然未厭於心聊伸前意無由言對執
筆長懷謝靈運和南